

Ն. Ս. Օ. Տ. Տ. ԳԱՐԵԳԻՆ Բ. ԱՍԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
ՍՈՒՐԲ ՆԵՐՍԵՍ ԸՆԾԱՅԱՐԱՆԻ ՆՈՐ ՀԱՄԱԼԻՐԻ ԲԱՅՄԱՆ ԱՌԻԹՈՎ
(ԱՄՆ, Նյու Յորք, 2016 թ.)

Սիրելիներ՛ք,

Սրտի անհուն բերկրանքով ողջունում եւ Հայրապետական Մեր օրհնությունն ենք բերում ամենքիդ Սուրբ Ներսես ընծայարանի նորակառույց շենքի բացման առիթով: Ուրախ ենք, որ այս արարողությունը ներկա են մեր Եկեղեցու հոգեւոր սպասավորներ, մեծազնիվ բարերարներ, ընծայարանի դասախոսներ ու սաներ, հավատացյալ զավակներ մեր ժողովրդի: Ազգային-եկեղեցական կյանքի հանդեպ նախանձախնդրությունը վառ պահելու ձգտումով 55 տարի առաջ Տ. Տիրան արքեպիսկոպոս Ներսոյանի նախաձեռնությամբ եւ մեծազնիվ տիկին Սաթենիկ Ուզունյանի բարերարությամբ ԱՄՆ Արեւելյան եւ Արեւմտյան թեմերի հովանու ներքո Հիմնվեց Սուրբ Ներսես ընծայարանը: Իր անունն ընծայարանը ստացավ ի պատիվ մեր Եկեղեցու երախտավոր Հայրապետներից մեկի՝ մեծ աստվածաբան եւ շարականագիր Սուրբ Ներսես Շնորհալու: Կրթօջախը հիմնադրվեց պատրաստելու համար հոգեւորականաց սերունդ, որպեսզի նրանց ծառայությամբ Միացյալ Նահանգների կյանքի բազմազանության մեջ ամուր մնա մեր ժողովրդի հոգեւոր եւ ազգային ինքնությունը, հայ զավակաց հոգիներում անշեջ լինեն հավատքի լույսը, սերն ու հավատարմությունը՝ մեր մշակույթին եւ սրբազան արժեքներին: Այս անհրաժեշտության զգացումով ամերիկահայ երիտասարդներին ուղղված իր խոսքում Տիրան Սրբազանն ասել է. «Մենք պետք է սովորենք հայոց լեզուն, որը դուռն է դեպի վաղնջական ժողովրդի դարավոր նվաճումների ու մտքերի ընկալման համար: Մենք պետք է ընթերցենք հայ գրական ստեղծագործություններ: Մենք պետք է ամերիկյան երգերի կողքին երգենք հայերեն երգեր, մենք պետք է ամերիկյան երաժշտության կողքին լսենք ու կատարենք հայերեն երաժշտություն...մենք պետք է պահենք հայկական գեղեցիկ ու իմաստալից ավանդույթներն ու սովորույթները: Բազմաթիվ մարդիկ սովորում են տարբեր ազգերի ու ժողովուրդների մասին, մենք բոլոր հիմքերը ունենք սովորելու մեր անցյալի ու ներկա

մշակույթի մասին» (Տիրան արք. Ներսոյան, Քաճանալուծյան 25-ամյա հոբելյանին առիթով, Նյու Յորք, 1954):

Այսօր գոհունակությամբ ենք անդրադառնում Սուրբ Ներսես ընծայարանի տարիների վաստակին: Հատկապես խորհրդային տարիներին երկաթյա վարագույրի առկայության պայմաններում, երբ Մայր Աթոռ Սուրբ Էջմիածինը կարելիություն չունեի հոգեւոր սպասավորներ առաքելու սփյուռք, Ս. Ներսես ընծայարանի Հարկի ներքո կրթություն ստացան Միացյալ Նահանգներում ցայսօր իրենց ծառայությունն իրականացնող հոգեւորականներ: Լիազույս ենք, որ այսօր ուսումնական նոր շենքի առավել բարեկեցիկ պայմաններում Ընծայարանը պիտի առավել արդյունավոր կերպով իրականացնի նվիրյալ եկեղեցականների պատրաստությունը, ովքեր, Հավատարիմ մեր Եկեղեցու ավանդությանը, հոգեւոր ինսամատարություն պիտի իրականացնեն մեր ժողովրդի զավակների համար: Այսօր եւս Հայրենյաց կյանքի բարօրության եւ մեր ժողովրդի պայծառ գալիքի համար անգնահատելի է ուսյալ եւ գրագետ, մեր Եկեղեցու ավանդությանը, ծեսին ու կարգին Հավատարիմ հոգեւորականի դերը, հատկապես սփյուռքյան իրականության մեջ:

Այս ուրախալի օրվա առիթով վերստին հայրական Մեր սերն ու օրհնությունները բերելով ձեզ, սիրելիներ, Մեր զնահատանքն ենք հայտնում մեր Սուրբ Եկեղեցու արժանավոր զավակներ տեղ եւ տիկին Հայկ եւ Էլզա Տիտիգյաններին, ովքեր առանձնահատուկ նախանձախնդրությամբ եւ ջանասիրությամբ մեծ ներդրում են բերում մեր Եկեղեցու եւ Մայր Աթոռ Սուրբ Էջմիածնի առաքելության արգասավորման համար: Բարեպաշտ Տիտիգյան ամուլի հովանավորությամբ կյանքի կոչված եկեղեցաշեն իրագործումներին այսօր հավելվում են նորակառույց Սուրբ Հակոբ մատուռը եւ Գարեգին Ա Աստվածաբանական կենտրոնը՝ անհրաժեշտ դասասենյակներով, գրադարանով ու գրասենյակներով, որը մեծ արդյունավորում պիտի բերի Սուրբ Ներսես ընծայարանի գործունեությանը: Տեղ եւ Տիկին Տիտիգյանների այս բարերարությունը նրանց ջերմ սիրո եւ հարգանքի տուրքն է երջանկահիշատակ Գարեգին Ա Ամենայն Հայոց Հայրապետին, որի լույս հիշատակը նրանք միշտ վառ են պահել նաեւ Գարեգին Ա Հայրապետի գրքերի հրատարակմամբ եւ Գարեգին Ա կրթական կենտրոնի կառուցմամբ Սուրբ Էջմիածնում: Լուսահոգի Գարեգին Ա Կաթողիկոսը երկնքից իր բարի օրհնանքն է բերում ձեզ՝ իր հոգեզավակներին, սիրելի Հայկ եւ Էլզա, ձեր եկեղեցասեր ու ազգօգուտ գործոց համար: Մեր զնահատանքն ենք բերում ամերիկաբնակ տասնյակ եկեղե-

ցասեր Մեր զավակներին, ովքեր Տիտիզյան ամուլի հետ իրենց բարերարություններով կյանքի են կոչել Սուրբ Ներսես ընծայարանի համալիրը, որի գեղեցիկ եւ հարմարավետ հարկի ներքո ուսում առնող հայորդիք մշտապես խորին երախտագիտությամբ հիշելու են ազնիվ բարերարների անունները:

Գոհունակ սրտով Մեր գնահատանքն ենք բերում ԱՄՆ Հայոց Արեւելյան Թեմի առաջնորդ Գերաշնորհ Տ. Խաժակ արքեպիսկոպոս Պարսամյանին՝ ընծայարանի գործունեության արգասավորմանը հոգածությամբ հետամուտ լինելու համար, դասախոսներին՝ իրենց երախտարժան աշխատանքի համար, որ բարի ծառայություն է մեր ազգին ու եկեղեցուն: Աստծո ամենառատ շնորհների հայցով՝ օրհնում ենք ընծայարանի սիրելի սաներին՝ նրանց մաղթելով ծառայասիրության զորեղ ոգի, պայծառ հավատք, անսպառ սեր ու նվիրում առ Երկնավոր մեր Տերը, սեր ու նվիրում՝ մեր ժողովրդի հանդեպ:

Մաղթում ենք, որ Սուրբ Ներսես ընծայարանը նոր հաջողություններ հավելի նոր հոգեւորականներ կրթելու եւ դաստիարակելու իր առաքելությամբ: Հայցում ենք, որ Տերը հաջողությամբ պսակի մեր ժողովրդի բարերար զավակների ազգաշահ եւ եկեղեցաշեն ձեռնարկները եւ իր շնորհներով եւ ամենայն բարիքով օրհնի նրանց կյանքը: Աղոթք ենք բարձրացնում առ Աստված, որպեսզի մշտապես օրհնի Առաքելական մեր Սուրբ եկեղեցին եւ Մայր Աթոռ Սուրբ Էջմիածինը, եւ բեղուն արդյունքներ պարգեւի հոգեւոր-կրթական մեր բոլոր հաստատություններին:

Ծնողիք, սէր և ողորմութիւն Տեսնն մկոյ Յիսուսի Քրիստոսի և ինչի մկ և ինչ սամնսսսսսս. Ամէն:

